



Ақмешіт

8 қараша
сейсенбі
№89 (1893)
2022 жыл

Газет
1994 жылдың 15 сәуірінен
бастап шығады

• Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshit.kz@mail.ru

апталығы


Өткен ғасырдың
отызыншы жылдары
«Темір-Нарком» атанған
Темірбек Жүргеновтің есімі
бүгінде ісі қазаққа етене
таным. Ол – Қазақстан
мен Орталық Азия
республикаларындағы
оқу-ағарту,
мәдениет және
әдебиет саласының
өркендеуіне өлшеусіз
үлес қосқан көрнекті
мемлекет және қоғам
қайраткері, сыншы-
көсемсөзші.



**Бауыржан ИМАНҒАЛИЕВ,
жүргеновтанушы, ғалым:
Темірбек Жүргенов
дегенде...**

БІЛІМ БЕРУДЕГІ БАҒДАР

Өркениеттің өлшемі,
қоғам дамуының басты
көрсеткіші – білім. Елдің
болашағы білім саласымен
тікелей байланысты
болғандықтан, ол әрдайым
қырағы қадағалауды,
айрықша мән беруді талап
етеді. Бұл бағытта жана
әдістер, тың тәсілдер қолдану
қажет-ақ. Осы үдерістен шығу
үшін білім сапасын көтеру
бағытындағы іс-шаралар
жалғасын тауып келеді.
Соның дәлелі ретінде Үкімет
отырысында бекітілген білім
беруді дамытудың 2026 жылға
дейінгі тұжырымдамасын
айтуға болады.



2 БЕТТЕ

Темірбек Қараұлының мемлекет қайраткері ретіндегі тұлғасын одан әрі жан-жақты сомдау үшін осы саладағы қызметімен қатар әдеби-публицистикалық мұрасын да түбегейлі зерттеп, мәдениетіміз бен әдебиетіміздің тарихында алатын орнын нақпа-нақ белгілеу міндеті, парызы бүгінгі ұрпаққа жүктелгені айдан анық. Мінеки, осы үдеде студент шағынан ізденіп, әдеби-мұрасын ғылыми айналымға түсіріп, терең талдап, алғаш диссертациялық деңгейде зерттеген Бауыржан Иманғалиев Нарком туралы жазған «Темірбек Жүргенов» атты үшінші кітабын қалың оқырманға ұсынды. Зерттеуші ғалым, филология ғылымдарының кандидаты, доцент Бауыржан Сәбитұлы бұл төрт жүз елу беттік кітабында Қазақстан, Ресей, Өзбекстан мұрағаттары мен кітапханаларының сирек қолжазбалар қорларында сақталған Т.Жүргеновтың құнды еңбектерін алғаш рет түпнұсқа негізінде тауып, араға сексен жыл уақыт салып, оқушыларымен қайта табыстырды. 1937 жылы 26 қыркүйекте «Халық жауы» деп қара күйе жағылып, қапыда атылып кеткен боздақ ұлдың халқына, ұлттың жасаған еңбегін бес тараудан тұратын осы құнды еңбекке жан-жақты аша білген. Журналист Ұмтыл Зарыққан Л.Н.Гумилев атындағы Еуразия ұлттық университетінің доценті, филология ғылымдарының кандидаты, зерттеуші-ғалым Бауыржан Иманғалиевпен қайраткер-қаламгер Темірбек Жүргенов хақында арнайы сұхбат құрған екен. «Әдебиет» порталына шыққан сұхбатты Жүргеновтанушы Бауыржан Иманғалиевтің рұқсатымен газетке басып отырмыз.

3 БЕТТЕ

ӨКПЕ ДЕРТІНЕ ШАЛДЫҚҚАҢДАР КӨП

Биылғы 9 айда Қызылорда облысында туберкулездің 330 жағдайы тіркеліпті. Мамандар өткен жылдың осы кезеңімен салыстырғанда өкпе ауруына шалдыққандар саны 21,6 пайызға артқанын айтуда.

Облыстық санитарлық-эпидемиологиялық бақылау департаменті берген мәліметте туберкулезбен сырқаттанушылық деңгейі тек Жалағаш ауданында ғана бір деңгейде екені баяндалған. Облыстың Жалағаштан басқа аудандарында эпидемиологиялық ахуал тұрақсыз. Қызылорда қаласындағы жағдай да маз емес. Туберкулездің ашық түрімен ауырғандар саны облыс бойынша 1,3 есеге артқан.

– Индетке шалдыққандардың 66 пайызы әлеуметтік белсенді топтар. Яғни 18-64 жас аралығындағы тұрғындар. Сырқаттанушылықтың 5,4 пайызы 14 жасқа дейінгі балалар болса, дәл осы мөлшердегі көрсеткіш жасөспірімдер арасында тіркелген, – дейді облыстық санитарлық-эпидемиологиялық бақылау департаментінің баспасөз хатшысы Айман Жанахаева.

Жыл басынан бері туберкулездің 5 асқынған түрі кездесе, 10 адам қайтыс болған. Олардың 5-еуі Қызылорда қаласынан болса, Жалағаш, Қазалы, Жанақорған аудандарынан 3 адам, сондай-ақ Байқоңыр қаласынан 2 науқас қайтыс болған. Мамандар аурудың асқыну және өлім-жітім себептері ауыру қаупі жоғары «тәуекел» топтағы

Оның басым көпшілігін тыныс алу жолдарының туберкулезі құрап отыр екен.

контингенттердің уақытылы флюорографиялық тексерілмеуі, ауру клиникасы пайда болғанымен тұрғындардың медициналық көмекке кеш жүгіну салдарынан болуы ықтимал деген тұжырым жасаған.

– Туберкулезге қарсы егілмегендер саны – 416, ата-анасының екпеден бас тартуы себепті вакцина алмағандар саны 58-ден 85-ке өскен. Бұл сәйкесінше туберкулез ауруының эпидемиологиялық ахуалының тұрақсыз болып қалыптасуына әсер етуде. Бұл ретте санитарлық-эпидемиологиялық бақылау саласының қызметкерлері денсаулық сақтау ұйымдары мамандарымен бірлесіп, санитарлық-ағарту жұмыстарын жүргізуде, – дейді облыстық санитарлық-эпидемиологиялық бақылау департаментінің аса қауіпті аурулар мен туберкулезді эпидемиологиялық қадағалау бөлімінің басшысы Жанар Жетілігенова.

2 БЕТТЕ



«ДАМУ» демеген кәсіп



«Кәсібі бардың, нәсібі бар» деп бекер айтылмаса керек. Елімізде осы саланы дамытуға ерекше ден қойылған. Жеке ісін ашқан азаматтардың бүгінде ісі дөңгелеп, кәсіп аясы кеңейген. Жалпы кәсіпкерлікті дамытудың ел экономикасына да, халық тұрмысына да он әсер ететіні белгілі. Бұл мақсатта қолдау шарасы әлі де жалғасын таппақ.

2 БЕТТЕ

28 мың адамның несиесі толық кешіріледі

Бұл жөнінде Қаржы нарығын реттеу және дамыту агенттігі төрағасының бірінші орынбасары Нұрлан Әбдірахмановтың Мәжіліс депутаттарының сауалына берген жауабында айтылған, деп хабарлайды Ulysmidia.kz.

«Агенттік жыл басында кепілсіз онлайн микрокредит беру сегментіндегі 30 микроқаржы ұйымынан азаматтардың проблемалық микрокредиттерін төмендету жөніндегі жеке жоспарларын талап етті. Ұсынылған жеке жоспарлар аясында 2022 жылдың соңына дейін микроқаржы ұйымдары 33,1 млрд теңге сомасына 432 мың қарыз алушының проблемалық берешегін қайта құрылымдауды, 0,8 млрд теңге сомасына 107 мың қарыз алушыны ішінара кешіру және 0,6 млрд теңге сомасына 28 мың қарыз алушыны толық кешіру жоспарлаған», – делінген агенттік төрағасы орынбасарының жауабында.



Нұрлан Әбдірахмановтың дерегіне, 2022 жылдың 1 қазанына микроқаржы ұйымдары 285,5 мың қарыз алушыға қатысты проблемалық берешекті төмендеткен.

«Оның ішінде негізгі борыш пен сыйақы бойынша 66,4 мың қарыз алушының 585 млн теңге берешегі, 756 млн теңге

тұрақсыздық айыбы толық және ішінара кешірілді. 4,8 млн теңге мөлшерінде тұрақсыздық айыбы есептен шығарыла отырып, 15,3 млрд теңге сомаға 219,9 мың борышкердің микрокредиті қайта құрылымдалды. Агенттік жеке жоспарлардың орындалуын бақылауды жалғастырады», – делі агенттік өкілі.

Баспасөз-2023

АҒАЙЫН, «АҚМЕШІТ АПТАЛЫҒЫНА» ЖАЗЫЛДЫҒЫЗ БА?

Баспасөзге 2023 жылдың бірінші жартыжылдығына жазылу жүруде.

Қапы қалмаңыз, сүйікті газетіңіз төріңізде тұрсын!

Жекелер үшін 6 айға – 2500 теңге, мекемелер үшін – 3500 теңге.

Баспасөзге қатысты сауалдарыңыз болса,

мына нөмірлерге хабарласыңыздар: 40-05-81, 70-14-08.

